



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Bona Volvntas Optimæ Consentiens. Seu De Sequendo In  
Omnibus Ductu Providentiæ Diviniæ**

**Foullon, Jean E.**

**Leodii, 1657**

XVI. Et sanctitas.

[urn:nbn:de:hbz:466:1-54992](#)

## 154    BONA VOLUNTAS

scita sententiásque venerantis. Qui Potentiam agentem contemplatur, & ducentem trahentē in ve subsequitur, velut dominum habet, contra quem hiscere tutum non est. Qui Justitiæ acquiescit, intuetur sicut Judicem reus confitens, ac tremens dicit, quod Eliu à Jobo volebat exprimere cap. 33. Peccavi, & verè deliqui, & ut dignus eram non recepi. At qui Misericordiam & Bonitatem Dei adspicit, habet illum instar amabilissimi patris, & cum Seneca epist. 98. damnis, vulneribus, mortibus incurrentibus, amat Providentiam divinam, sibiique ipse identidem ingeminat: *Non pareo, sed assentior: ex animo illum, non quia necesse est, sequor.* Quid Christianum magis, quid sanctius ac sublimius, rationique simul ac fidei magis consonum, ex ore Christiani ullius audiamus?

XVI.    Ezechias Rex sanctissimus, libro 4. Regum cap. 20. ad tri stem Isaiae, de posteriorum suorum dedecorosa captivitate, denuntiationem: *Bonus, inquit, sermo Domini, quem locutus*

locutus est. Sic D. Catharina Genuensis ad malorum quorumvis sensum solita ite- rare, *Grata venerit calamitas ab amabili Dei manu.* Ita D. Josephus, teste D. Bir- gittâ, ubique ac semper ingeminare con- suerat: *fiat quod Deo placuerit.* Sic fidelis- sima & obedientissima ancilla Domini, filiâque, & mater D. Virgo, in Annun- tiationis Dominicæ gloria, & Passionis ignominiosæ tormentis, pariter ex animi sententia pronuntiavit, ô Deus, *Fiat mibi secundum verbum tuum.* Sic Christus, Matthæi cap. II. de reprobatione quorum- dam, quos tamen, ut homines ad Dei imagine conditos non amare nequibat, Deum laudans: *Ita, inquit, Pater, quia sic placitum fuit ante te.* Non utitur appella- tione Judicis, æquissimam in ea reproba- tione pro meritis farentis sententiam: non domini, de re sua liberè & cum po- testate statuentis: non magistri pruden- tissimi, arcana sua prout videbitur expo- nentis: sed suavissimam adhibet appella- tionem Patris, ut eò facilior sit ac jucun- dior, in re quamvis tristi, humanæ volum-

156 BONA VOLUNTAS

tatis cum divina conformitas. Eamdem ob causam non alio quam Patris dulcissimo nomine usus est, in horto Olivarum, quando ipsi fæculentus calix, amarissimusque, ac peccatorum omnium horrore, & pœnarum imminentium acerbitate plenus, propinabatur.

SECTIO SECUNDA.

Alterum Adjumentum,  
*Consideratio providentiae humanae.*

I.  
Prouiden-  
tia diuina  
lampas..

**Z**Achariæ Prophetæ objicitur cap. 4. videndum candelabrum, & lampas ejus super caput ipsius, & septem lucernæ ejus super illud: & septem infusoria lucernis, quæ erant super caput ejus: & duæ olivæ super illud, una à dextris lampadis, & una à sinistris ejus. Describitur candelabrum septiceps in templo Hierosolymitano ardere solitum, eâ ferè formâ, qua Exodi cap. 25. describitur in tabernaculo collocandum. Aptissima figura Providentiae divinæ, quæ aurea tota